

խորհրդարանի ղեկավար պաշտոններում ընտրվեց երեք կին



Նորընտիր հինգերորդ գումարման Ազգային ժողովի առաջին նիստում, որը մեկնարկեց մայիսի 31-ին, պատգամավորներն ընտրեցին խորհրդարանի նախագահին, փոխնախագահներին և խորհրդարանական 12 մշտական հանձնաժողովների նախագահներին: Նրանց թվում երեք կին ընտրվեց:

Աժ փոխնախագահներից մեկը դարձավ 374 խմբակցության անդամ, 374 կանանց խորհրդի նախագահ Զերմինե Նաղայանը:

Եվրոպական ինտեգրման հարցերի հանձնաժողովը կզլխավորի Նաիրա Զոհրաբյանը ԲՀ խմբակցությունից, իսկ մարդու իրավունքների պաշտպանության և հանրային հարցերի հանձնաժողովը՝ Էլինար Վարդանյանը, նույնպես ԲՀ-ից:

Աժ վեց խմբակցություններից մեկը կին է գլխավորում՝ Զեդինե Բիշարյանը՝ «Օրինաց երկիր» կուսակցությունից:

Միասին հաղթահարեցին անցողիկ շեմը

Մեծամասնականով առաջադրված կանայք միասին հաղթահարեցին 5 տոկոսանոց շեմը՝ ստանալով ընտրողների 98.685 քվե: Իսկ եթե լուրջ, ապա այդ ընտրակարգով պայքարի մեջ մտած 11 կանանցից հաղթողի դերում հայտնվեցին միայն երկուսը՝ թիվ 17 ընտրատարածքում՝ Արտաշատի թիվ 1 դպրոցի տնօրեն, 374 անդամ Կարինե Պողոսյանը և թիվ 40 ընտրատարածքում՝ «Ինքերեն» ՄԿԸ գործադիր տնօրեն, անկուսակցական Մարինե Մարաբայանը: Նշենք, որ մնացած գրեթե բոլոր կանայք իրենց ընտրատարածքներում երկրորդն էին:

Կանայք ընտրական հանձնաժողովներում



37 Կենտրոնական ընտրական հանձնաժողովի անդամները 7-ն են, որոնցից 3-ը կանայք են, նրանցից մեկը ԿԸԶ նախագահի տեղակալն է:

Ընտրատարածքային ընտրական հանձնաժողովներում կանանց ներկայացվածությունը կազմում է մոտ 30,5%, ընդ որում, Երևանում՝ 34%, իսկ մարզերում՝ 28%: ԸԸԶ-ների ղեկավարության կազմում կանայք ընդամենը 16% են, նրանցից 3-ը նախագահ են, 8-ը՝ տեղակալ և 9-ը՝ քարտուղար, ընդ որում, 41 ԸԸԶ-ներից 25-ում կանայք ղեկավար պաշտոններում ընդգրկված չեն:

Կանանց ներկայացվածությունը զգալի տոկոս է կազմում հատկապես տեղամասային ընտրական հանձնաժողովներում, որոնցում կանայք 44% են: Դրա հետ մեկտեղ, տեղամասային 1982 հանձնաժողովների մեկ երրորդում նախագահը կին է:

# Կինը և քաղաքականությունը


Ռադիկա Շեկիրինսկան  
դրական գնահատեց  
կանանց  
ներկայացվածությունը  
կուսակցությունների  
նախընտրական  
ցուցակներում



Էջ 2

Սեպտեմբերի 20-ին հավելված

2012 մայիս



Մայիսի 6-ին կայացած խորհրդարանական ընտրությունների արդյունքներով՝ հինգերորդ գումարման Ազգային ժողովում 14 կին պատգամավոր է ընդգրկվել՝ երկուսով ավելի, քան նախորդ գումարման կազմում:

Դե յուրե - Դե ֆակտո

## Քվտրայի մեքամորֆոզները

Տոկոսային հարաբերակցությամբ կանանց ներկայացվածությունը նոր խորհրդարանում 10,6% է, ինչը նշանակում է, որ բարձրացնելով գեղեցիկային քվտան մինչև 20 տոկոս և ներկայացնելով հանրությանը համամասնական ցուցակներում միջինը 22,8% կին, կուսակցությունները դե ֆակտո՝ որպես արդյունք, խորհրդարանում ընդգրկեցին արձանագրվածից կիսով չափ ավելի քիչ:

Չիչեցնենք, որ անցյալ ընտրությունների ժամանակ 15%-անոց քվտայի պարագայում համամասնական ընտրակարգով խորհրդարան էր անցել 12 կին (9,1%), իսկ մեծամասնականով ոչ մեկը: Եթե հաշվի առնենք, որ այս գումարման 14 կանանցից երկուսն անցել են մեծամասնական ընտրակարգով, ապա ստացվում է, որ ընդհանուր առմամբ կուսակցությունները ոչ մի առաջընթաց չեն արձանագրել: Ավելին՝ արժեզրկել են ընտրական օրենսգրքում ամրագրված 20%-անոց քվտան, որի կիրառմամբ հասարակությունը կարող էր ակնկալել Ազգային ժողովում կանանց առնվազն նույնքան ներկայացվածություն:

Կանանց աջակցելու նպատակով օրենքով նախատեսված մեխանիզմը ըստ էության չաշխատեց ինչ-ինչ ներկուսակցական նկատառումներով արված տեղափոխումների և ինքնաբացարկների միջոցով, որոնք շատ դեպքերում հանրությանն անհասկանալի մնացին:

Կատարվածն ավելի անընդհանուր վերլուծելու առիթ դեռ կունենանք, մանրադառնանք կանանց ներկայացվածության ընդհանուր պատկերին ըստ կուսակցությունների:

«Հայաստանի հանրապետական կուսակցություն» խմբակցության 69 պատգամավորից 9-ը կին են, ինչը 13% է կազմում (նախընտրական ցուցակում 21,3% կին):

«Բարգավաճ Հայաստան» խմբակցության կազմում 37 պատգամավոր է և մեկ կին, այդ թվում 2 կին, այսինքն՝ կանայք 5,4% են (նախընտրական ցուցակում 21,8%):

«Հայ ազգային կոնգրես» խմբակցությունում 7 պատգամավոր է և մեկ կին, դա 14% է (նախընտրական ցուցակում 20,3%):

«Օրինաց երկիր» խմբակցության 6 պատգամավորից մեկն է կին, տոկոսային հարաբերակցությամբ 16% է (նախընտրական ցուցակում 20,2%):

«Ժառանգություն» խմբակցության կազմում 5 պատգամավորից մեկը կին է, դա 20% է կազմում

(նախընտրական ցուցակում՝ 24,6%):

«Հայ հեղափոխական դաշնակցություն» խմբակցության 5 պատգամավորների թվում կին չկա (նախընտրական ցուցակում 32%):

Համեմատելով խմբակցությունների կազմը նախորդ գումարման հետ՝ նկատենք, որ 374 խմբակցությունն ակնհայտորեն ավելացրել է կանանց թիվը իր կազմում՝ անցյալ գումարման 3,1 տոկոսից մինչև այսօրվա 13%-ը:

ԲՀ-ն հակառակը՝ 12% կանայք ունենալով անցյալ գումարման իր խմբակցությունում, այժմ ընդամենը 5% է ընդգրկել: Ընդ որում, խմբակցության պատգամավորների թիվը 12-ով ավելացել է, իսկ կանանց թիվը՝ պակասել:

Զգալի հետընթաց է նկատվում կանանց ներկայացվածության առումով ԳԻԻ-ի «Ժառանգության» մոտ, որոնց կազմում անցյալ գումարման ժամանակ ընդգրկվել էին, համապատասխանաբար, 18,7% և 42,8% կին, իսկ այս անգամ՝ 0% և 24,6% կին: «Օրինաց երկիր» առաջընթաց չի արձանագրել՝ նրա կազմում ինչպես կար, այնպես էլ մնացել է մեկ կին:

Նշենք նաև, որ Աժ-ում ներկայացված կանանց կազմը գրեթե 2/3-ով նոր է. 14 կանանցից միայն հինգն են նախորդ գումարման պատգամավոր եղել:

Անցյալն ու ներկան

## «Մենք շքապելու խնդիր չունենք», կարող ենք 100 տարի էլ սպասել...

Աժ-ում կանանց և տղամարդկանց հավասար ներկայացվածությանը հասնելու համար առնվազն 100 տարի կպահանջվի... Նման եզրակացության կարելի է հանգել վերլուծելով վերջին քսան տարվա ընթացքում հայոց խորհրդարանում կանանց թվի ավելացման տեմպերն ու միտումները, որոնք, ի դեպ, տեղավորվում են քաղաքական այրերի «մենք շտապելու խնդիր չունենք» հայտնի բանաձևի շրջանակներում...

Համեմատության համար հիշենք, որ 1985-ին խորհրդային Հայաստանի Գերագույն խորհրդում կանայք 35,6% էին կազմում:

Անկախացման նախաշեմին Հայաստանի առաջին գումարման Գերագույն խորհրդում, որը կազմավորվեց 1990-ին միայն մեծամասնական ընտրակարգով՝ 260 պատգամավորով, 9 կին էր ներկայացված, այսինքն՝ 3,5%:

Առաջին գումարման Ազգային ժողովում՝ 1995-ին, 12 կին էր ընդգրկված 190 պատգամավորից, այսինքն՝ 6,3%, ընդ որում՝ համամասնականով անցած բոլոր կանայք «Շամիրամի» ընտրացուցակով էին ընտրվել, իսկ մեծամասնական ընտրակարգով 4 կին էր ընտրվել:

Երկրորդ գումարման ժամանակ՝ 1999-ին, կանայք ամենաքիչն էին ընդգրկված՝ ընդամենը չորսը 131 պատգամավորից, ինչը կազմում էր

3%: Ի դեպ, չորսից երկուսը մեծամասնականով էին անցել:

Երրորդ գումարման Աժ-ում՝ 2003-ին, ներդրվեց կանանց համար աննախադեպ խտրական 5-տոկոսանոց քվտան. և կանանց թիվը հասավ յոթի՝ 131 պատգամավորից, ինչը կազմեց 5,3%: Մեծամասնականով ընտրվեց միայն մեկ կին:

Նախորդ չորրորդ գումարման Աժ կազմում գործի դրվեց 15-տոկոսանոց քվտան, և 12 կին ընտրվեց, այսինքն՝ 9,1%: Մեծամասնականով ոչ մի կին չէր ընտրվել:

Այս ընտրություններում քվտան բարձրացվեց մինչև 20 տոկոս: Արդյունքում՝ հինգերորդ գումարման Աժ-ում 14 կին պատգամավոր է ընդգրկվել, այսինքն՝ կանայք ընդամենը 10,6% են կազմում, ընդ որում՝ նրանցից երկուսը մեծամասնականով են ընտրվել:

Այսպիսով, 20 տարվա կտրվածքով կանանց թիվը մեր խորհրդարանում աճել է ընդամենը 7%-ով: Հաշվի առնելով կանանց ներկայացվածության այդ դինամիկան կարող ենք ենթադրել, որ այսօրվա 20%-անոց քվտան իրականություն դարձնելու համար մեզ կպահանջվի ևս 25 տարի...

Չիչեցնենք, որ կանանց ներկայացվածությունը աշխարհի խորհրդարաններում այսօր միջինը 19,5% է, իսկ կանանց մասնակցության ամենացածր տոկոսը արաբական երկրներում է՝ ընդամենը 11,3%...

Ընտրական խոհանոց

Ինչո՞ւ չաշխարհեք քվոյայի մեխանիզմը

Մենք հեռու ենք այն մտքից, որ խորհրդարան անցած կուսակցությունները սխալ են ըմբռնել քվոտայի գախալարը...



Որո՞նք են մանդատից հրաժարվելու հիմնական պատճառները: Պարզվում է՝ դրանք խիստ տարբերվում են ոչ միայն ըստ կուսակցությունների, այլ նաև կանանց և տղամարդկանց կտրվածքով:

Ինքնաբացարկների հիմնական մասը գործադիր իշխանության մեջ ներգրավված պաշտոնյաներն են արել: Սակայն եթե տղամարդկանց դեպքում մեծամասամբ պատճառավորի մանդատից հրաժարվողների թիվը գրեթե 80 տոկոսի է հասնում, ապա կանանց պարագայում պատկերը հակառակն է:

Ինքնաբացարկի դիմող կանանց թվում թեև կան գործադիրում կամ որևէ բնագավառում բարձր պաշտոն զբաղեցնող կանայք, բայց նրանք ընդամենը 30 տոկոսն են: Մյուսների դեպքում պատճառավոր դառնալու մտադրությունից հետ կանգնելու պատճառները լայն հասարակության համար անհայտ են, քանի որ այդ քայլին դիմող կանայք կտրականապես հրաժարվում են ինչ-որ բան բացատրել լրագրողներին:

Այստեղից միայն մեկ եզրակացության կարելի է հանգել. եթե անձը չի կարողանում համոզիչ հիմնավորել իր որոշումը, նշանակում է՝ այդ որոշումն ընդունել են առանց իրեն հարցնելու... Իսկ եթե կուսակցությունն է մեծամասամբ կայացնում համարելով, որ այդ կանայք արժանի չեն պատճառավոր դառնալու, ապա հարց է ծագում. ինչո՞ւ են նրանք ընդհանրապես ցուցակներում ընդգրկում... Էլ չենք ստանում ինչո՞ւ են այդ կանայք համաձայնում հրաժարական տալու հեռանկարով մտնել ցուցակի մեջ...

Շատ դեպքերում նույնիսկ տրամաբանորեն չի հաջողվում կռահել պատճառավորությունից հրաժարվելու իրական պատճառը, համենայն դեպս, հենց նման տպավորություն ենք ստացել ինքնաբացարկի դիմում ներկայացրած կանանց ցուցակները դիտարկելուց հետո...

Այսպես, 334 համամասնական ցուցակից ինքնաբացարկի դիմում են ներկայացրել 69 թեկնածու, այդ թվում՝ 14 կին, որոնք ընդգրկված էին 6-106-րդ տեղերում: Միակ հստակ եզրահանգումը, որ կարելի է անել այս ցուցակի ուսումնասիրությունից, այն է, որ նախարարի կամ փոխնախարարի պորտֆելը ու գույքը ևս մի երկու-երեք բարձր պաշտոններ իրոք կարող են ծանրակշիռ փաստարկ լինել պատճառավոր դառնալու հեռանկարից հրաժարվելու համար: Սակայն ցուցակում ընդգրկված անձանց ամբողջ կեսի դեպքում մանդատից հրաժարվելու դրդապատճառները տրամաբանական բացատրության չեն ենթարկվում:

Դիտարկենք մեկ այլ օրինակ. ԲՀ4 համամասնական ցուցակով ինքնաբացարկ են ներկայացրել 28 թեկնածու, այդ թվում՝ 10 կին, ովքեր ներկայացված էին 16-61-րդ տեղերում: Այս ցուցակում ընդգրկված գրեթե բոլոր կանանց համար անհնար է մանդատից հրաժարվելու տրամաբանական պատասխան գտնել...

Նույնքան անհասկանալի էր նաև ՀՀԳ կայացրած որոշումը, ըստ որի՝ մանդատից հրաժարվեցին 3-րդ համարը զբաղեցնող Արտյուր Շահբազյանը և 6-րդ համարում ՀՀ կրթության ազգային ինստիտուտի հասարակագիտության մասնագետ Կարինե Հարությունյանը: Եվ դա այն դեպքում, երբ իր համամասնական ցուցակում 32 տոկոս կանանց ներկայությունն ապահովված Դաշնակցությունը խորհրդարան մտավ միայն տղամարդկանցից բաղկացած թիմով...

Մի խոսքով, ինքնաբացարկների այս թեկուզ և մակերեսային վերլուծությունը որոշակի չափով ցույց է տալիս՝ ինչո՞ւ ընտրական օրենսգրքում ներդրված քվոտային մեխանիզմը հերթական անգամ չաշխատեց մեզանում...

Միջազգային դիտորդները կանանց մասնակցության մասին

ԵԱՀԿ/ԺՅՄԻԳ ընտրությունների դիտորդական առաքելության ղեկավար Ռադմիլա Շեկիրիևսկան ընտրություններից անմիջապես հետո միջամակարդակ վերլուծություններ կատարելու և ցուցակներում կանանց ներկայացվածությունը կուսակցությունների նախընտրական ցուցակներում:

«Հատկանշական է, որ նոր ընտրական օրենսգրքում քաղաքական գործընթացներին կանանց մասնակցության համար նոր ծավալի քվոտաներ էին նախատեսվել: Նկատելի և ողջունելի են քվոտայի դերակատարումն ու կիրառումը, սակայն այս առումով մտավախություն կա: Կանայք, ովքեր ընդգրկվում են կուսակցությունների ցուցակներում, ընտրվելուց հետո ինքնաբացարկ են հայտարարում: Այս պարագայում քվոտայի նշանակության իմաստը կորչում է», - ասաց Շեկիրիևսկան:

Բանախոսը նաև նկատեց, որ տեղամասային ընտրական հանձնաժողովներում նախագահների 32%-ը, իսկ անդամների 44%-ը կանայք են եղել:

«Սա նշանակում է, որ զենդերային քվոտան ընտրությունների կազմակերպման հարցում պահպանված է եղել: Կանանց հարցերով զբաղվող հասարակական կազմակերպությունները նույնպես շատ ակտիվ են եղել ընտրատեղամասերում, տեղական դիտորդների մի ստվար զանգվածը կանայք էին, ինչը ողջունելի է», - եզրակացեց Շեկիրիևսկան:

Փորձագետի կարծիք



Ռադմիլա Շեկիրիևսկանը (ձախառնում) և Կարինե Հարությունյանը (ձախառնում) մասնակցում են ԵԱՀԿ/ԺՅՄԻԳ ընտրությունների դիտորդական առաքելության անդամների խորհրդակցությանը...

«Կանանցից ավելի շատ օգուտ կլինի, քան հորանջող պարզամակորներից»

«Մեծամասնականով երկու կանանց հաղթանակը մեծ ձեռքբերում է», - այսպիսի կարծիք հայտնեց «Սոցիոմետր» սոցիոլոգիական հետազոտությունների կենտրոնի ղեկավար Ահարոն Աղիբեկյանը մեզ հետ զրույցում՝ վերլուծելով ընտրություններին կանանց մասնակցության արդյունքները:

Նախկինում մենք գիտեինք միայն Հրանուշ Հակոբյանին, որը միշտ կարողանում էր հաղթանակել մեծամասնականի պատմեջը: Այս անգամ մեծամասնականով խորհրդարան անցած կանայք փայլուն հաղթանակ տարան՝ ստանալով 70 և բարձր տոկոս ծայրեր: Սա լուրջ հաջողություն է: Մյուս ընտրատարածքներում էլ կանայք բավականին բարձր վարկանիշ ունեցան: Հեղինակ Բիշարյանը և Վիդուա Պետրոսյանը ստացան ծայրերի 1/3-ը, ուղղակի նրանց դեմ առաջադրվել էին օլիգարխներ, որոնց կազմակերպչական ու նյութական կարողություններն ավելի բարձր են եղել: Կանանց մյուս խումբը ստացավ ծայրերի 1/5-ը, օրինակ՝ Ջարուհի Փոստանջյանն իր ընտրատարածքում ստացավ 20% ձայն, այն դեպքում, երբ ՀՀԿ նախագահ Արամ Մանուկյանը ստացավ ընդամենը 16,7%: Սա թիվ Սեյրանյանը ստացավ 11%, Գայանե Առուստամյանը՝ 15%, Անահիտ Բախշյանը՝ 12,7% տոկոս: Սրանք բավականին լավ ցուցանիշներ են: Մենք տեսնում ենք, որ շատերը երկրորդն էին և ոչ թե երրորդ կամ չորրորդը, այսինքն՝ եթե բարենպաստ պայմաններ լինեին, նրանք հաղթելու հնարավորությունը միշտ ունեն: Էլ չենք ստանում, որ մեծամասնական ընտրակարգով առաջադրված կուսակցական կանայք իրենց կուսակցություններին զգալի չափով ձայներ էին բերել:

Դրա հետ մեկտեղ սոցիոլոգը լուրջ բացթողում որակեց մեծամասնականով միևնույն ընտրատարածքում մեկից ավելի կին թեկնածուների առաջադրումը: - Այս դեպքում կանանց ընտրվելու շանսերը բաժանվեցին: Բացի այդ, մեծամասնականով առաջադրված կանայք հաղթելու համար պետք է տվյալ համայնքում լուրջ նախապատրաստական աշխատանք տանեին: Մարինե Մարաբայանը հաղթեց, որովհետև իրեն սատարող ընկերությունը այնտեղ շատ աշխատանք էր տարել դեռ նախորդ ընտրություններից սկսած՝ օցիդալական, գործազրկության հետ կապված, և ընտրողներին հավաստիացրել էին, որ նրան ընտրելով էլ այդպես կշարունակվի: Բոլոր դեպքերում, Աղիբեկյանի համոզմամբ, պետք է օրենսդրորեն ապահովել կանանց ներկայացվածության ավելի բարձր մակարդակ: - Պետք է այնպես անել, որ համամասնական ցուցակների առաջին տասնյակում գտնվեն երկու կին թեկնածու լինի, և կանայք խորհրդարանում ներկայացված լինեն գոնե 25-30%-ով: Կանայք ավելի աշխատունակ են, ավելի կարգապահ, նրանցից ավելի շատ օգուտ կլինի, քան այդ հորանջող պատճառավորներից, որ ընտրվում են միայն կեղծ հեղինակություն ունենալու համար: Այս առումով օրենքը պետք է շակցի կանանց...

Մարինե Մարաբայան

Քարոզարշավ

Կարգախոսված էր, ինչպե՞ս կարվի



Հետաքրքրական մտեցումներ արձանագրվեցին մեծամասնական ընտրակարգով առաջադրված կին թեկնածուների կարգախոսներում:

Պատգամավորության թեկնածու՝ «168 ժամ» օրաթերթի խմբագիր Սաթիկ Սեյրանյանը կոչ էր անում. «Միասին խմբագրենք Ազգային ժողովը»: Նույն՝ թիվ 4 ընտրատարածքում առաջադրված մյուս կին թեկնածուին՝ Ջարուհի Փոստանջյանը, ինչպես և իր ներկայացրած կուսակցությունը՝ «Ժառանգությունը», հայտարարում էր իր գալստյան մասին՝ ասելով. «Պալիս եմ արդարության համար»: Նշյալ թեկնածուներից մեկը փաստորեն կոչ էր անում, մյուսը՝ տեղեկացնում: Ըստ էության, առաջինում համատեղ ուժերով աշխատելու պատրաստական առաջարկության տարր կա, երկրորդում՝ սեփական ջանքերը ներդնելով՝ հովանի հանդիսանալու պատրաստական վստահության տարր:

Պակաս հետաքրքրական և չէր կրկին «Ժառանգությունից» Աժ պատգամավոր Անահիտ Բախշյանի և այս անգամ «Չորրորդ ինքնիշխանություն» թերթի լրագրող Գոհար Վեգիլյանի կարգախոսների բախտումը թիվ 12 ընտրատարածքում: Եթե մանկավարժական երկարամյա արդյունավետ աշխատանքային փորձ ունեցող Բախշյանը, օգտվելով հարազատ կուսակցության կարգախոսից, ճշգրտում էր՝ «Պալիս եմ որակյալ կրթության համար», ապա լրագրող Վեգիլյանը, հիմնվելով լրագրողական աշխատանքում սեփական սկզբունքի վրա, վճռականորեն պնդում էր. «Պարտադիր թո կանքը՝ իշխանությունը դու ես»: Թեև նույն ընտրատարածքում թեկնածուները առաջադրված կանանց կարգախոսների հենքը մասնագիտական փորձառությունն էր և բխում էր հասարակության համար կյանքի այլ ուղի կապահովելու նպատակից, այնուամենայնիվ, առանցքային տարբերություն ուներ. առաջինում տեղեկացում էր, երկրորդում՝ կոչ, որում գերակշիռը պարտադրանքն էր:

«Ինքնիշխանությունը նպատակն արած մի թեկնածու էլ՝ ՕԵԿ-ի փոխնախագահ Հեղինակ Բիշարյանը, որ խորհրդարանում ներկա լինելու համար պայքարում էր թիվ 11 ընտրատարածքում, օրենքի Հայաստան էր ուզում կառուցել, ինչի համար դիմում էր ընտրողին. «Վատախի՞ր, որ կանուցե՞նք օրենքի Հայաստան»:

Թիվ 32 ընտրատարածքում առաջադրված ՕՖԵյա Վահանյանի կարգախոսն էլ մաղթանք էր հիշեցնում. «Ապրենք արժանապատիվ»: Ու քանի որ անգամ մեծագույն, անհաղթահարելի ցանկության դեպքում անհնար կլինի, որ արթնանանք ու հենց վաղվանից այլևս սկսենք արժանապատիվ ապրել, ՀՀԿ-ն մտածել էլքը գտել ու, այն կարգախոս արած, ասում էր. «Հավատանք, որ փոխենք»: Ասվածից տարբեր չէ, նույնական է ՀՀԿ առաջադրմամբ թիվ 17 ընտրատարածքում հանդես եկող Կարինե Պողոսյանի կարգախոսը: «Փոխվեք, որ հավատանք»: Չէ, սա էլ բառախառն չէ, կարգախոս էր, որ տեղիք ու շատ արդիական էր համարել թիվ 38 ընտրատարածքում մեծամասնական ընտրակարգով ինքնաառաջադրված Նարինե Մովսիսյանը և ըստ ամենայնի ոչ միայն նա: Վիդուա Պետրոսյանը, որ առաջադրվել է թիվ 13 ընտրատարածքում, ՀԱԿ-ի «Ոչ մի ձայն հանցավոր ռեժիմին» կարգախոսին է տեղ, բայց անհատապես հոգեհարազատ է համարում և որպես անհատական մտեցում կարևորում է «Հայաստան անունով մեր տունը կառուցենք» կոչը, որի իրագործմանը նպաստել է «Հայաստան» համահայկական հիմնադրամում աշխատելով: Մնում էր հուսալ, որ հետագա աշխատանքի ընթացքում երկու կարգախոսից կընտրվեր կառուցողականը:

Թիվ 1 ընտրատարածքում ինքնաառաջադրմամբ պատգամավորական աշխատանք իրականացնելու իր ցանկությունն էր հայտնել լրագրող Գայանե Առուստամյանը, որի «Քվեարկիր, որ չպարտվես» կարգախոսը, ըստ էության, ՀԱԿ-ի կարգախոսի ավելի մեղմ ու ընդհանրական վերածակերպումն էր: Նանա Պետրոսյան

Հասարակական ամբիոն

Երեք հարց կանանց կազմակերպություններին

Դժվար է թերագնահատել կանանց հասարակական կազմակերպությունների դերը ընտրական օրենսգրքում գեներալին քվոտայի բարձրացման հարցում: Իհարկե, օրենսգրքի փոփոխության ժամանակ արված նրանց ոչ բոլոր առաջարկներն ընդունվեցին, բայց ընտրությունների փորձը ցույց տվեց, որ օրենքը չաշխատեց հատկապես այն մասով, որը շեշտադրված էր 34-

ների կողմից դեռևս քննարկումների ժամանակ: Այս իմաստով մեր գուցեակից կանանց 34-ների դեկլարներին դե ֆակտո ստացված արդյունքն անակնկալի չէրեք, ուղղակի ևս մեկ անգամ հասկանալի դարձավ, որ պետք է շարունակել աշխատել օրենքի բացը լրացնելու ուղղությամբ: Մեր հետընտրական գույցները նրանց հետ ծավալվեցին երեք հարցադրման շուրջ.

- Ինչո՞վ էր տարբերվում կանանց մասնակցությունը և նրանց վարած քարոզարշավը այս ընտրություններում:  
- Ինչպիսի՞ն էր կանանց 34-ների համագործակցությունը առաջադրված կանանց հետ:  
- Ինչպե՞ս եք գնահատում այն փաստը, որ Աժ Մոդ կազմում կանայք ընդամենը 10 տոկոս են:

«Երաշխիքներ են անհրաժեշտ...»



Միայն վերապահունով կարելի է խոսել քարոզարշավում կանանց մասնակցության մասին, իրականում կանայք չդարձան քարոզարշավի ակտիվ մասնակիցներ: Եվ դա այն պարագայում, երբ կանայք կուսակցություններում զգալի ներուժ են ներկայացնում: Հատկապես առաջատար կուսակցությունների՝ Հայաստանի հանրապետական կուսակցության և «Բարգավաճ Հայաստանի» քարոզարշավ-

ներն ընթացան հիմնականում առաջնորդների մակարդակով, դրանց լիարժեք ջանասակցեցին ոչ միայն կուսակցության անդամ կանայք, այլև տղամարդիկ: Իրականում դա վկայում է, որ ներկուսակցական ժողովրդավարությունը մեզանում դեռևս լիարժեք չի ձևավորվել:

Թեև Ազգային ժողովի նախորդ 4-րդ գումարման համեմատությամբ չենք առաջընթաց է գրանցել կանանց ներկայացվածության հարցում, և այսօր արդեն Աժ փոխխոսնակ և երկու մշտական հանձնաժողովների նախագահ են ընտրվել կանայք, այդուհանդերձ, պետք է արձանագրենք, որ նորընտիր խորհրդարանում կանանց ներկայացվածությունը երկու անգամ ցածր է համաշխարհային ցուցանիշից:

Խիստ քննադատելի է, որ «Բարգավաճ Հայաստան» կուսակցության խմբակցությունում, որը Ազգային ժողովում մեծությամբ երկրորդն է, 37 մանդատներից միայն երկուսը բաժին հասան կանանց, այսինքն՝ կանայք կազմում են այս խմբակցության ընդամենը 5,1%-ը, թեպետ կուսակցության համամասնական ցուցակում նրանց ներկայացվածությունը ընտրական օրենսգրքով նախատես-

վածի սահմաններում էր: Կարծում եմ քարոզական չէ, երբ կանայք թույլ են տալիս օգտագործել իրենց անունը՝ համաձայնելով ընդգրկվել կուսակցությունների ընտրացուցակներում, և այնուհետև հեշտությամբ հրաժարվում են, դրանով իսկ խոչընդոտելով այլ սկզբունքային կանանց մուտքը օրենսդիր մարմին:

Ստեղծված իրավիճակն ավելի է ամրապնդում մեր խորին համոզումները, որ իրավացի էին այն բազմաթիվ 34-ները, որոնք առաջարկում էին ընտրական օրենսգրքում նախատեսել դրույթ, ըստ որի ընտրացուցակից կնոջ թեկնածությունը հանելու կամ պատգամավորի մանդատից կնոջ հրաժարվելու դեպքում նրա տեղը պետք է զբաղեցնի ցուցակում ընդգրկված հաջորդ կինը: Դա երաշխիք կլինի, որ կանանց ներկայացվածության խնդիրը քաղաքական դաշտից չտեղափոխվել կամայականության դաշտ և պայմանավորված չլինի երաշխիքի կուսակցությունների տղամարդ դեկլարների քմահաճությամբ...

**Ջեննա Հասարայան,**  
Համալսարանական կրթության կանանց ասոցիացիայի նախագահ

«Արդյունքն ինձ համար անակնկալ չէր»

Կանայք, ընդհանուր առմամբ, շատ քիչ երևացին ընտրարշավի ընթացքում: Երկու-երեք կուսակցություններ միայն լիդերներով հանդես եկան քարոզարշավին: Համամասնական ցուցակներում ընդգրկված մեր կանանց մեծ փաստորեն այդպես էլ չճանաչեցինք, տեսադաշտում ավելի շատ պատգամավոր կանայք էին, որոնք գիտեինք...

Գիտակցված ընտրություն կատարելու համար շատ կարևոր է, որ բնակչությունը տեսնի ու ճանաչի ուժը ընտրում և ինչի՞ համար: Անցյալ ընտրությունների ընթացքում մենք դեբատներ էինք կազմակերպել հենց այդ նպատակով՝ նոր կանանց ճանաչելու համար, շատ են ավստոսում, որ այս անգամ դա չարեցինք, չքննարկեցինք նրանց ծրագրերը: Բայց ընտրական գործընթացին մաս-

նակցել ենք որպես դիտորդ: Արդյունքը, որ ունեցանք Աժ-ում կանանց ներկայացվածության առումով, ինձ համար անակնկալ էլ անակնկալ չէր: Այդքան տարվա մեր պայքարից հետո վերջապես կարողացանք հանդուժել, որ քվոտան անհրաժեշտ է, ընդունեցին, բայց կրկին արեցին նույնը, ինչ միշտ: Ընտրական օրենսգրքի քննարկումների ժամանակ առաջարկեցի, որ ինքնաբացարկներից հետո Կենտրոնական ընտրական հանձնաժողովը չհաստատի այն ցուցակները, որտեղ 20 տոկոս կին չկա: Հիշում եմ Աժ պետիրավական հարցերի հանձնաժողովի նախագահ Դավիթ Հարությունյանն ասաց, որ դա հնարավոր չէ... Այդ պատասխանից հետո այլևս անկախ չուների...

**Արդա Թովոնյան,** Կանանց հանրապետական խորհրդի նախագահ



«Անբեռնեցին կայացած ակտիվ կին պարզամտություններին»



Այս ընտրությունները կարելի է համարել ամենահանդարտը այն իմաստով, որ բոլոր կուսակցությունները վարում էին հավասարակշռված ու հանդուրժողական մահախընտրական կամպանիա: Ուրիշ հարց, որ շատ քիչ մարդիկ էին ներգրավված բուն քարոզարշավում: Բոլոր կուսակցությունները

կարծես թե հանդես էին գալիս միայն իրենց առաջնորդներով, և ցուցակներում ներկայացված մյուս թեկնածուները գրեթե անտեսանելի էին:

Հատկանշական էր, որ չնայած, հետևելով օրենքին, կուսակցական ցուցակներում պահպանվել էր կանանց թվի համաչափությունը, սակայն դրա հետ մեկտեղ ակտիվ պատգամավորական գործունեություն ծավալված կանայք էին հետ մղված, անտեսված: Օրինակ «Ժառանգություն» կուսակցությունը, որը ճանաչելի դարձավ ոչ միայն իր առաջնորդով, այլև իր ամենակախիվ կին պատգամավորներով, անտեսեց Անահիտ Բախչյանին, Դաշնակցությունը նույն կերպ վարվեց Լիլիթ Գալստյանի հետ...

Ինձ թվում է չի կարելի անտեսել կայացած ակտիվ պատգամավորներին, ովքեր արդեն որոշակի փորձ են կուսակցել, այդ թվում միջազգային կառույցներում աշխատելու, միջոցով են, նման կանայք խորհրդարանում մեզ պետք են: Հիմա մոտերը կգան, գուցե ոչ պակաս միլիոններ, բայց նրանց

կայանալու համար ժամանակ կպահանջվի: Բոլոր դեպքերում ունեցած փորձը մերժել պետք չէր: Եղածի վրա գումարելու փոխարեն՝ փոխանակում ենք կատարում, որը միշտ չէ, որ դրական հետևանքներ է ունենում:

Թե առաջադրված կանանց 34-ների հետ համագործակցությունն ինչ չափով աջակցեց ընտրական գործընթացներին դժվարաբանում են գնահատել: Գյուլումը Համալսարանական կրթության կանանց ասոցիացիայի մասնաճյուղը երկու կլոր սեղան էր կազմակերպել և տարբեր 34-ներ հրավիրել՝ հանդիպելու կուսակցական ցուցակներում ներկայացված կանանց հետ, ովքեր բնակվում, աշխատում էին Շիրակի մարզում: Սակայն նրանց ցուցակներում այնքան հեռու տեղերում էին ներկայացված, որ ոչ մենք և ոչ էլ նրանք հույս չուներին, որ կանցնեն: Հանդիպումը պարզապես միմյանց ճանաչելու հնարավորություն էր...

**Ելենա Վարդանյան,** Հանրային խորհրդի ժողովրդագրական և գեներային հարցերի հանձնաժողովի նախագահ

«Այս անգամ ավելի ակտիվ ու պարզամտությամբ էին»

Համեմատած նախորդ տարիներին՝ մեծամասնականով առաջատարված կանայք ակնհայտորեն ավելի ակտիվ էին: Նրանց վարած PR-կամպանիաներն էլ, ըստ իս, ավելի պատրաստված էին: Կարող եմ առանձնացնել հատկապես Սաթիկ Մեյրամյանի քարոզարշավը, հատկապես այն, որ նա օգտագործել էր նաև սոցիալական ցանցը՝ «Ֆեյսբուքը», ինչը նոր տեխնոլոգիա են համարում այս դաշտում:

Մեր կենտրոնը հատուկ հանդիպումներ էր նախաձեռնել կուսակցական ցուցակներում ընդգրկված կանանց հետ, որտեղ նրանք հիմնականում ներկայացնում էին իրենց կուսակցությունների ծրագրերը: Հանդիպումները ցույց տվեցին, որ կանայք հիմնականում շատ պատրաստված էին և բավա-



կան քաջատեղյակ գեներային հիմնախնդիրներին: Ցավոք, սակայն, մեր հյուրերից շատերը չանցան Ազգային ժողով:

Կուսակցությունները, ի դեպ, շատ բաց էին 34-ների համար և պատրաստակամ... Սակայն, համագործակցություն՝ որպես այդպիսին, չկար: 34-ն միայն որպես ամբիոն էր հանդիսանում դեբատներ կազմակերպելու, խոսելու, ներկայացնելու իրենց կարծիքը, ծրագիրը: Լավ կլինի, որ իրական համագործակցություն կայանա և շարունակական բնույթ կրեր, այլ ոչ միայն ընտրությունից ընտրություն:

**Գոհար Շահնազարյան,**  
«Կանանց ռեսուրսային կենտրոնի» համահիմնադիր

«Քվոտան որ չլինեք...»

Ես չեմ էլ ակնկալել, որ Աժ-ում 20% կանանց ներկայություն կապահովեն, քանի որ նախքան ընտրությունները «Կին առաջնորդների ֆորումի» առաջարկությունը քվոտան ամրագրել «ըստ արդյունքի», մերժվել էր: Կարծում եմ առաջիկայում օրենսդրական բացի ուղղությամբ պետք է աշխատել, այն է՝ քվոտան սահմանող հոդվածում պետք է հստակ նշվի, որ արդյունքում, այսինքն՝ մանդատ ստացողների մեջ 20% կին պետք է ապահովվել, ոչ թե ընտրացուցակներում...

Երկրորդ պատճառը, որ ընդամենը 10% կին ունեցանք, կուսակցություններում քաղաքական կամքի պակասն էր, և երրորդն էլ՝ այն չափանիշները, որոնք գործում են ցուցակում ընդգրկվելու համար: Դրանք պետք է փոխվեն: Այսինքն՝ եթե ցուցակում ընդգրկվելու չափանիշը ոչ թե մարդու արժանիքներն են, այլ փողը, ունեցվածքը, դիրքը, ապա կանանց համար դժվար թե տեղ գտնվի: Քանի որ մենք օլիգարխ կանանց խավ չուներք, կանանց շատ դեպքերում պարտադրված են ընդգրկվում քվոտայով: Հնարավոր է քվոտա չլինի, ընդհանրապես ոչ մի կին չընդգրկվի: Մեծամասնականով դա շատ պարզ երևաց, որ կանայք հիմնականում պարտվեցին «փողատերերին»:

Առաջադրված կանանց հետ համագործակցության մասին ասեմ, որ «Կին առաջնորդների ֆորումը» նախաձեռնություն էր ցուցաբերել դեբատների մշակույթը Հայաստանում ձևավորելու ուղղությամբ՝ «Բանավիճում են միայն կանայք» հանդիպում կազմակերպելով կին թեկնածուների հետ: Փորձեցինք պարզել՝ որքանով են նրանք պատրաստված, ինչպե՞ս են պատկերացնում իրենց աշխատանքը Ազգային ժողովում: Մեզ համար կարևոր էր, որ դեբատների մշակույթը մտավ, ու լավ կլինի, որ շարունակվի...

Լսել եմ մեծամասնականով առաջադրված որոշ կանայք դժգոհել էին, որ կանանց 34-ները իբր նրանք չեն աջակցել: Բայց նրանք պետք է տեղյակ լինեին, որ, ըստ օրենքի, 34-ն իր գործառույթներով չի կարող զբաղվել քաղաքականությամբ: Ընտրություններին շատ 34-ներ, այդ թվում կանանց, մասնակցել են ներկայացնելով անկախ դիտորդներ: 34-ների շատ անդամներ վստահված անձ են եղել, բայց նման համագործակցությունը երկուստեք քայլերի արդյունքում է կայանում, այսինքն՝ թեկնածուն ինքն ինչ-որ քայլեր է անում կանանց 34-ների ռեսուրսը ներգրավելու առումով...

**Պուստոյիկ Մսիսթարյան,**  
«Կին առաջնորդների ֆորումի» համակարգող խորհրդի նախագահ

**Հ.Գ.** Ինչպես արդեն տեղեկացրել էինք, Քաղաքացիական հասարակության համագործակցության ցանցը (ՔՀԳՑ), որը միավորում է ՕԲՄՖԱՄ-ի գործընկեր շուրջ 29 34-ներ, ընտրություններին անմիջապես առաջ ստորագրահավաք էր կազմակերպել և նամակ-դիմումներ ուղարկել բոլոր կուսակցություններին՝ փորձելով նախօրոք կանխել ցուցակներում ընդգրկված կանանց հրաժարումը մանդատներից: Ի դեպ, դիմումում կուսակցություններին առաջարկվում էր նաև առաջնորդվել գեներային արդարության սկզբունքով՝ հնարավորություն ընձեռնելով, որ մանդատից հրաժարվող կնոջ տեղը զբաղեցնի ցուցակում ընդգրկված հաջորդ կինը: Նախաձեռնության կազմակերպիչների կարծիքները կարդացեք առաջիկա համարում...

**Լիլիթ Քոչինյան**  
Նիմել Ղովհաննիսյան

Խորհրդարանի նոր դեմքերը

Այս և առաջիկա համարներում ներկայացնում ենք Ազգային ժողովի նոր կին պատգամավորներին: Հարցազրույցներն ամբողջությամբ կարդացե՛ք WomenNet.am կայքում, որտեղ նաև կարող եք հարցեր ուղղել նրանց:

Նաիրա Կարապետյան. «Կանանց իրավունքների մասին առաջին բարձրաձայնողներից մեկը ես կլինեմ»



Միացյալ ազատական ազգային կուսակցության (ՄԻԱԿ) անդամ Նաիրա Կարապետյանը պատգամավոր է դարձել Հայաստանի հանրապետական կուսակցության համաձայնա-

կան ցուցակով: Կրթությամբ դիվանագետ է, ավարտել է ԵՊՀ արևելագիտության ֆակուլտետը, այնուհետև քաղաքական հմտությունների զարգացման ուղղությամբ սովորել Մեծ Բրիտանիայում և Գերմանիայում, կուսակցությունում զբաղեցնում է արտաքին և հանրային կապերի գծով քարտուղարի պաշտոնը:

- Երբևիցե զգացե՞լ եք գենդերային անհավասարության և հասցեագրված խտրականության դրսևորումներ Ձեր նկատմամբ:

- Իմ նկատմամբ խտրականություն երբեք չեմ զգացել, այս առումով երևի թե ընտրել եմ «ճիշտ» կուսակցություն... ամեն դեպքում նշված դրսևորումները, կարելի է ասել, իմ կողքով են անցել: Ես անգամ համոզված եմ, որ Հայաստանի քաղաքական դաշտում կնոջ հանդեպ խտրականությունն անհնար է՝ որքան էլ բարձր հնչի դա, բայց հայերը, իրոք, կնամեծար են:

Մեր խնդիրն իրականում այն է, որ կանայք շատ դեպքերում չեն ցանկանում զբաղվել քաղաքականությամբ: Եվ ոչ թե նրանց թույլ չեն

տալիս դա անել, այլ նրանք պարզապես նման ցանկություն չեն արտահայտում: Ի դեպ, ՄԻԱԿ-ն իր գործունեության ընթացքում նաև այդ խնդիրն է ամրապնդել՝ փորձելով երիտասարդ կանանց մեջ հասարակական և քաղաքական գործընթացներին մասնակից լինելու հետաքրքրություն արթնացնել:

- Ստադի՞ր եք անդրադառնալ կանանց խնդիրներին ԱԺ-ում:

- Իմ ողջ գործունեության ընթացքում՝ լինի հասարակական թե քաղաքական դաշտում, ես միշտ էլ եղել եմ կանանց ակտիվ մասնակցության ջատագովը: Քանի որ Ազգային ժողովում նոր եմ, ու ժամանակ է պետք՝ հասկանալու, թե ո՞ր մշտական հանձնաժողովում եմ ներկայացված լինելու ու կոնկրետ ո՞ր ոլորտում եմ կարող առավել ակտիվ դրսևորվել, հիմա դժվարանում եմ ուրվագծել զալիք գործունեության կոնկրետ ուղղությունները: Բայց հավատացնում եմ, որ յուրաքանչյուր տեղ, որտեղ կոտեսնեմ կանանց իրավունքների ուսմահարման դեպքեր, առաջին բարձրաձայնողներից մեկը ես կլինեմ:

Մարգարիտ Եսայան. «Կինը զգում է այն, ինչ դեռ չկա, բայց կարող է լինել»...

«Այժմ արդեն ոչ թե վազել նորությունների ետևից, այլ մասնակցել դրանց ստեղծման գործին»,- այսպես է բացատրում լրագրողուհի քաղաքական դաշտի իր անցումը Ազգային ժողովի նորընտիր պատգամավոր, ԴՀԿ անդամ, լրագրող Մարգարիտ Եսայանը:

- Իրականում լրագրողները գիտեն ամեն ինչ կամ գրեթե ամեն ինչ, մեծանշան են բոլորին կամ գրեթե բոլորին, գիտեն քաղաքական գործիչների ուժեղ և թույլ կողմերը, գիտեն, թե ինչպես և որտեղ են կայացվում որոշումներ... Լրագրողները շատ բան գիտեն, և առաջին հերթին նաև լրագրողների շնորհիվ է կայանում քաղաքական դաշտը: Հուսամ, հասկանալի է, որ խոսքը իրական, պրոֆեսիոնալ լրագրողների մասին է: Ամբողջ աշխարհում կա այս միտումը, երբ երկարամյա փորձ ունեցող լրագրողները որոշում են նորություններ լուսաբանողից, նորություններ հայտնաբերողից դառնալ «նյութակալներ», այսինքն՝ այդ նորությունների ստեղծողը: Նույնը կատարվեց ինձ հետ: Ես լրագրող եմ աշխատում արդեն շատ

երկար, և իմ կյանքում եկավ մի պահ, երբ որոշեցի քաղաքականություն լուսաբանողից դառնալ այդ քաղաքականության մասնակիցը, ինչու ոչ՝ նաև ստեղծողներից մեկը: Եվ պարզապես ուրախ եմ, որ ինձ տրվեց այդ հնարավորությունը:

- Ձեր կարծիքով՝ կանայք պե՞տք է իրենց ոճն ունենան քաղաքականության մեջ, տարբերվո՞ւմ է այն տղամարդկանց ոճից:

- Կանայք սովորաբար ավելի իմպուլսիվ են, տղամարդիկ՝ ավելի «ժանրաշարժ», դա երևում է նաև քաղաքականության մեջ, համոզված եմ, նկատել եք, որ կանայք շատ ավելի բարձր են խոսում, երբ փորձում են ելույթ ունենալ, շատ ավելի ակտիվ շարժվում են, երբ որևէ միջադեպ է տեղի ունենում հասարակական-քաղաքական միջոցառումների ժամանակ, կանանց ձայնը շատ ավելի բարձր է հնչում, և հիմնական իրարանցումը հենց կանայք են ստեղծում: Գուցե սա բնական է: Իսկ կինը, այո, պետք է իր ոճն ունենա: Կինն ունի մի կարևոր հատկանիշ, որը չունեն աշխարհի բոլոր տղամարդիկ միասին՝ վերցրած. նա



զգում է այն, ինչ դեռ չկա, բայց կարող է լինել, քանի որ կինը կյանք է ծնում: Ուստի կանացի ոճը տղամարդկանց պետք է դաստիարակի և զգաստացնի:

Էլինար Վարդանյան. «Որքանո՞վ է այսօր ինքը՝ կինը, պայքարասուր եւ ուզում մասնակցել քաղաքական կյանքին»

Էլինար Վարդանյանը մասնագիտությամբ իրավաբան է, խորհրդարան է անցել ԲՀԿ համամասնական ցուցակով և ընտրվել ԱԺ մարդու իրավունքների պաշտպանության և հանրային հարցերի հանձնաժողովի նախագահ: Քաղաքականություն է մտել հասարակական հատվածում երկար տարիներ աշխատելուց հետո: Զուգահեռ զբաղվել է նաև փաստաբանական գործունեությամբ:



կան կյանքին կնանակցի այնքանով, որքանով թույլ կտա իր ժամանակը, կամ որքանով թույլ կտան ընտանիքի անդամները, ապա դժվար է նրանից քաղաքական ակտիվություն ակնկալել: Ինչպես կարող եմ կնոջից պահանջել, որ նա վստահի իր ուժերին, եթե մեր դասագրքերում երկի թե միայն Այծենիկի մասին պատմությունն է, որտեղ կինը մարտնչողի դերում էր: Ունենք կարծ-

րացած մտածելակերպը հաղթահարելու խնդիր: Եվ չպետք է քննադատել միայն տղամարդկանց, ասել, որ թույլ չեն տալիս մեզ աշխատել, գործել: Որքանո՞վ է ինքը՝ կինը, այսօր պատրաստ և ուզում մասնակցել քաղաքական կյանքին:

- Այս առումով հետաքրքիր է Ձեր՝ որպես գլխավորապես հանձնաժողովի ղեկավարի դիրքորոշումը «Կանանց և տղամարդկանց հավասար իրավունքների և հավասար հնարավորությունների ապահովման մասին» օրինագծի երկրորդ ընթերցման վերաբերյալ:

- Միանշանակ դրական եմ տրամադրված: Այս պահին արդեն ծանոթացել եմ ՀԿ-ների կողմից արված առաջարկներին, գիտեմ նաև, որ դրանցից ոչ բոլորն են ընդունելի կառավարության համար: Ի դեպ, ըստ իս՝ դրանք բավական արժեքավոր են, և իմ առաջին առաջարկը կլինի այն, որ դրանք ընդգրկվեն առաջին ընթերցում անցած նախագծում: Աշխատանքին մատչելիությունն է բոլոր դեպքերում քննարկելու ենք...

Լիա Խոջոյան, Հասնիկ Հարությունյան

Ձայն բազմաց

Ինչպե՞ս են քվեարկել կանայք եւ փղամարդիկ

Նորընտիր Ազգային ժողովում կին պատգամավորների ամենացածր ներկայացվածությունն ապահոված «Բարգավաճ Հայաստանի» օգտին քվեարկած ընտրողների մեծ մասը կանայք են եղել: Համեմայն դեպ, դա են վկայում մայիսի 6-ին՝ խորհրդարանական ընտրությունների օրը, Հայաստանում առաջին անգամ իրականացված «Էքզիթ-փոլի» արդյունքները:

Ինչպես հայտնի է, հարցումը կազմակերպվել էր հայտնի Gallup համաշխարհային ասոցիացիայի կողմից: Ընտրատեսղամասերից դուրս եկող քաղաքացիներին ընդամենը մեկ հարց էին ուղղում՝ թե ո՞ր կուսակցության օգտին են քվեարկել:

Հարցմանը մասնակցել էր 22 հազար ընտրող, սակայն համաձայնել են պատասխանել հարցվածներից 12 հազարը: 10 հազարը իրաժարվել են, ինչը կազմում է 40%: Այս թիվը 15%-ով ավելի է այլ երկրների հետ համեմատած: Gallup ասոցիացիայի հայաստանյան մասնաճյուղի տնօրեն Արամ Նավասարդյանը մեզ հետ զրույցում մեջ, որ դա նաև ինչ-որ իմաստով կանխատեսելի էր, եթե հաշվի առնենք, որ «Էքզիթ-փոլի» առաջին անգամ էր անցկացվում Հայաստանում, և մարդիկ, բնական է, զգուշանում էին...

Բոլոր դեպքերում հարցումը հնարավորություն տվեց ոչ միայն նախքան քվեարկություն արդյունքները հրապարակելը իմանալ ընտրությունների մոտավոր պատկերը, այլ նաև պարզել՝ ինչպես են քվեարկել այս կամ այն կուսակցության օգտին կանայք և տղամարդիկ:

Ըստ «Էքզիթ փոլի» կանայք ավելի շատ են համակրում ԲՀԿ-ին: Այս կուսակցության օգտին քվեարկած ընտրողների մեծ մասը կանայք են եղել:

Ի տարբերություն ԲՀԿ-ի՝ ՀԱԿ-ին տղամարդիկ են ավելի շատ ծայր տվել: Կին ընտրողներից միայն 5,3%-ն է իր ծայրը տվել ՀԱԿ-ին, իսկ տղամարդկանց՝ 7,9%-ը:

Գրեթե հավասար թվով կանայք ու տղամարդիկ են քվեարկել ՀՀԴ-ի օգտին. 5,5% տղամարդիկ, 4,7% կանայք:

Կանայք ավելի շատ են վստահել նաև ՕԵԿ-ին, նրան ծայր է տվել կին ընտրողների 6,4%-ը, տղամարդկանց՝ 5,2%-ը:

Նույն պատկերն է նաև «Ժառանգություն» կուսակցությունում. 6,9% կանայք են ընտրել, 5,9% տղամարդիկ:

Հավասար թվով են ընտրել Հանրապետական կուսակցությանը. «Էքզիթ փոլի» արդյունքներով՝ կին ընտրողների 42,5%-ն իր ծայրը տվել է ՀՀԿ-ին, տղամարդ ընտրողների 43,3%-ը:

Իհարկե, բացի «Էքզիթ-փոլի» արդյունքներից, կանանց և տղամարդկանց ընտրական նախապատվությունների տարբերության մասին պատկերացումը կարելի է ստանալ նախընտրական շրջանում կատարված սոցիոլոգիական հարցումների միջոցով՝ բացառելով այն ֆեյնոմենալ դեպքերը, երբ ընտրողը ասում է մի բան, մտածում՝ ուրիշի մասին, իսկ քվեարկում էրրորդի օգտին:

Մարիամ Մուղղույան

Ինքզիք՝ Թամարա Հովնաթանյան  
էլ. հասցե՝ promediagender\_arm@yahoo.com

Սեքսիզմ

Կինը «նի՞խար պոլիպիկ»

Անցած ընտրությունների յուրահատկություններից մեկը թերևս սեքսիզմի անբացուց դրսևորումն էր կին թեկնածուի նկատմամբ:

Թիվ 1 ընտրատարածքում առաջադրված թեկնածու Ռուբեն Հայրապետյանը ի պատասխան իր մրցակից Գայանե Առուստամյանի՝ բանավիճելու առաջարկին ասել էր, որ չի բանավիճի նրա հետ, «որովհետև նա կին է», բացի այդ, «վախենում է, որ նա

կարող է իրեն ճանկռտել... Հատկանշական է, որ Առուստամյանի տղամարդ կույզաները փաստը դատապարտելու փոխարեն շտապեցին իրավիճակը հարթել՝ իրենց թեկնածուներին առաջարկելով Հայրապետյանի հետ բանավիճելու համար: Իսկ

թե ինչպես արձագանքեցին սեքսիզմի այս դրսևորմանը կին թեկնածուները՝ կարող եք կարդալ WomenNet.am կայքում:

Նշենք նաև, որ քաղաքական բանավեճը կեղծ ջենտլմենական դաշտ տեղափոխելու անընդունելի փորձերը առաջին անգամ չէ, որ արվում են մեզում: Ժամանակին Գագիկ Բեգլարյանը Կենտրոն համայնքի տեղական ընտրություններում իրեն մրցակից կնոջ՝ ՀԺԿ անդամ Ռուզան Խաչատրյանի հասցեին հայտարարել էր. «Անոթ է կնոջը պարտվելը»...

USAID FROM THE AMERICAN PEOPLE  
COUNTERPART INTERNATIONAL  
Այս համարի իրավաբանական հնարավոր է դարձել իրականացնել Քաունթերփարթ ինթերնեշնլի հայաստանյան ներկայացուցչության կողմից իրականացվող Քաղաքացիական հասարակության և տեղական ինքնակառավարման աջակցության ծրագրի և Ամերիկայի Միացյալ Նահանգների բնակչության առատածեղ աջակցության շնորհիվ՝ ԱՄՆ Միջազգային զարգացման գործակալության պայմանագրերի շրջանակներում, «ՊրոՄեդիա-Գենդեր» ՀԿ-ի միջոցով:  
Համարում գետնված նյութերի բովանդակությունը, արտահայտված տեսակետները և կարծիքները պատկանում են «ՊրոՄեդիա-Գենդեր» ՀԿ-ի հեղինակներին, և հնարավոր է՝ չհամընկնեն Քաունթերփարթ ինթերնեշնլի հայաստանյան ներկայացուցչության, ԱՄՆ ՄԶԳ և ԱՄՆ կառավարության տեսակետներին: